

SLUŽBENI GLASNIK

OPĆINE/OPŠTINE BOSANSKI PETROVAC

Godina: 2026.
Broj: 05 /26

Datum:
02 . 07 .2026.god

Izdanje na
Bosanskom jeziku

AKTA OPĆINSKOG/OPŠTINSKOG VIJEĆA

4. REDOVNA SJEDNICA

Na osnovu člana 52. stav 1. tačka 4. Zakona o organizaciji organa uprave FBiH („Službene novine FBiH“, broj 35/05), člana 25. Statuta Općine/Opštine Bosanski Petrovac („Službeni glasnik Općine Bosanski Petrovac“, broj: 7/08 - prečišćeni tekst), i na osnovu člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac broj: 6/23 - prečišćeni tekst) Općinsko/Opštinsko vijeće, na 4. redovnoj sjednici, održanoj 16.04.2026. godine, donosi:

ZAKLJUČAK

Član 1.

Daje se saglasnost na **Pravilnik o drugoj izmjeni i dopuni Pravilnika o unutrašnjoj organizaciji** jedinstvenog općinskog/opštinskog organa uprave Općine/Opštine Bosanski Petrovac broj: 01-30-390-3/26 od 19.02.2026. godine.

Član 2.

Ovaj Zaključak stupa na snagu danom donošenja i ima se objaviti u „Službenom glasniku Općine/Opštine Bosanski Petrovac“.

Broj: 02/1-30-451-2/26

Datum: 16.04.2026. godine

Predsjedavajući Opštinskog vijeća

Božo Latinović

9. VANREDNA SJEDNICA

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), a u vezi sa članom 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 - prečišćen tekst), člana 105. Poslovnika o radu Općinskog/Opštinskog vijeća Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 6/23 - prečišćen tekst), Općinsko/Opštinsko vijeće Općine/Opštine Bosanski Petrovac, na 9 vanrednoj sjednici, održanoj 19.05.2026. godine, donosi:

ODLUKU

o Izmjeni Odluke o imenovanju povjerenika za Mjesne zajednice na području Općine/Opštine Bosanski Petrovac

Član 1.

U Odluci o imenovanju povjerenika za Mjesne zajednice na području Općine/Opštine Bosanski Petrovac broj: 02/1-04-966- 2/26 od 28.04.2026. godine, u članu 1. mjenja se slijedeće; kod tačke 11. umjesto „Aleksandra Ljubičić“ stoji „Dragan Grbić“.

Član 2.

Ova odluka stupa na snagu danom donošenja i ima se objaviti u „Službenom glasniku Općine/Opštine Bosanski Petrovac“.

Broj: 02/1-04-966- 26/26

Datum: 19.05.2026. godine

Predsjedavajući Opštinskog vijeća

Božo Latinović

NASTAVAK 8. VANREDNE SJEDNICE

Na osnovu člana 21. u vezi sa članom 23. Zakona o lokalnoj samoupravi Unsko - sanskog kantona („Službeni glasnik USK“, broj: 8/11) člana 54. i člana 105. Poslovnika o radu Općinskog/Opštinskog vijeća Bosanski Petrovac („Službeni glasnik Općine/Opštine Bosanski Petrovac“, broj: 6/23 - prečišćen tekst), Općinsko/Opštinsko vijeće Bosanski Petrovac na nastavku 8. vanredne sjednice održane 05.06.2026. godine, na prijedlog Komisije za izbor, imenovanje i administrativna pitanja, donosi:

ODLUKU

o izmjeni i dopuni Odluke o naknadama vijećnicima u Općinskom/Opštinskom vijeću Bosanski Petrovac

Član 1.

U Odluci o naknadama vijećnicima u Općinskom/Opštinskom vijeću Bosanski Petrovac broj: 02/1-45-361-7/26 od 16.04.2026. godine mijenja se član 9. tako da glasi:

„Članovi radnih tijela Općinskog/Opštinskog vijeća imaju pravo na materijalne troškove kao i vijećnici ako ih je na zasjedanje radnog tijela Vijeća ili na samu sjednicu Vijeća pozvao Predsjedavajući vijeća.

Kada radno tijelo Općinskog/Opštinskog vijeća za zapisničara i tonskog snimatelja imenuje ili angažuje lice koje nije član radnog tijela, imenovani će imati pravo na naknadu kao i članovi radnog tijela u visini od 7 KM“.

Član 2.

Dodaje se član 10. i on glasi:

„Članovima radnih tijela Vijeća pripada naknada za obavljeni rad u iznosu od po 10 KM po satu, a Predsjedniku radnog tijela 12 KM po satu. Svaki započeti sat računa se kao puni sat.“

Član 3.

Dosadašnji član 9. Odluke postaje član 11. Odluke.

Član 4.

Ova Odluka stupa na snagu danom donošenja, a ima se objaviti u „Službenom glasniku Općine/Opštine Bosanski Petrovac“.

Broj: 02/1-45-361-22/26

Datum: 05.06.2026. godine

Predsjedavajući Opštinskog vijeća

Božo Latinović

Na osnovu 25. Statuta Općine/Opštine Bosanski Petrovac - prečišćen tekst („Službeni glasnik Općine/Opštine Bosanski Petrovac“, broj: 7/08), člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac“, broj: 6/23 - prečišćen tekst), a u vezi sa članom 2., 6. i 8. Odluke Općinskog/Opštinskog vijeća broj: 02/1-05-3030-1/07 od 29.10.2007. godine, o učešću lokalnog građanstva u vršenju javnih poslova („Službeni glasnik Općine/Opštine Bosanski Petrovac“, broj: 7/07), Općinsko/Opštinsko vijeće na nastavku 8. vanredne sjednice, održane dana 05.06.2026. godine, donosi:

Z A K L J U Č A K

o usvajanju Nacrta Izmjena i dopuna Budžeta Općine/Opštine Bosanski Petrovac za 2026. godinu i upućivanju na javnu raspravu

Član 1.

Usvaja se Nacrt Izmjena i dopuna Budžeta Općine/Opštine Bosanski Petrovac za 2026. godinu i isti se upućuje na javnu raspravu, koja će se realizovati u roku od 10 dana od dana donošenja ovog Zaključka.

Javna rasprava će se provesti putem Javnog poziva, objavljenog putem lokalnog Radija, na oglasnoj ploči Općine/Opštine, putem web stranice, kao i putem javne tribine koju će sprovesti Općinski/Opštinski Načelnik u saradnji sa šefom Službe za finansije, budžet i računovodstvo.

Član 2.

Ovlašćuje se nadležna Služba iz prethodnog stava da uradi Javni poziv za javnu raspravu, u kojem će biti definisan način sprovođenja javne rasprave, u roku od 10 dana od dana donošenja ovog Zaključka.

Član 3.

Nakon održane javne rasprave, te svih primjedbi i sugestija (amandmana) iznesenih na tekst Nacrta na

javnoj raspravi ili u pisanoj formi dostavljenih u ostavljenom roku nadležnoj službi iz stava II ovoga zaključka, ovlašteni predlagatelj će sačiniti Prijedlog dokumenta i dostaviti Općinskom/Opštinskom vijeću na razmatranje i usvajanje.

Član 4.

Ovaj Zaključak stupa na snagu danom donošenja, a o izvršenju istog starat će se Predsjedavajući Opštinskog Vijeća, Načelnik Općine/Opštine i ovlašteni predstavnik navedene službe, svako u domenu svoje nadležnosti.

Broj: 02/1-11-2629-16 /25
Datum: 05.06.2026.godine
Predsjedavajući Opštinskog vijeća
Božo Latinović

11. VANREDNA SJEDNICA

Na osnovu člana 20. Zakona o principima lokalne samouprave u FBiH („Sl.novine FBiH“, broj 49/06 i 51/09), člana 21. i 34. Zakona o lokalnoj samoupravi USK-a („Službeni glasnik USK“, broj: 08/11), a u vezi sa članom 49. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 - prečišćen tekst), te na osnovu Zahtjeva za preispitivanje Odluke Općinskog/Opštinskog vijeća broj: 02/1-04-966-26/26 od 19.05.2026. godine, Općinsko/Opštinsko vijeće na 11. vanrednoj sjednici, održanoj 05.06.2026. godine, donosi:

ZAKLJUČAK

I

Prijedlog Odluke o prihvatanju Zahtjeva Općinskog/Opštinskog načelnika broj: 02/1-04-966-27/26 od 22.05.2026 godine, a koja se odnosi na preispitivanje Odluke Općinskog/Opštinskog vijeća broj: 02/1-04-966-26/26 od 19.05.2026. godine, nije dobio potrebnu većinu glasova.

II

Ovaj Zaključak stupa na snagu danom donošenja i ima se objaviti u „Službenom glasniku Općine/Opštine Bosanski Petrovac“.

Broj: 02/1-45-966-30/26
Datum: 05.06.2026. godine
Predsjedavajući Opštinskog vijeća
Božo Latinović

TREĆI NASTAVAK

4. REDOVNE SJEDNICA OV

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko -sanskog kantona“, broj: 8/11,) i člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 - prečišćen tekst), a postupajući po zahtjevu grupe građana iz Rašinovca broj: 02/1-23-2674-1/24 od 28.10.2024. godine, Općinsko/Opštinsko vijeće na trećem nastavku 4. redovne sjednice, održane 05.06.2026. godine, donosi:

ZAKLJUČAK

Član 1.

Zadužuje se nadležna Služba da pokrene proceduru izrade projektne dokumentacije za projekat „Asfaltiranje puta do groblja u Rašinovcu“, u skladu sa važećim propisima i planskom dokumentacijom.

Član 2.

Nadležna služba će, nakon izrade potrebne projektne dokumentacije, upoznati Općinsko/Opštinsko vijeće sa procijenjenom vrijednošću projekta i mogućnostima njegovog finansiranja.

Član 3.

Ovaj zaključak stupa na snagu danom donošenja, a ima se objaviti u „Službenom glasniku Općine/Opštine Bosanski Petrovac“.

Broj:02/1-23-2674-4/24

Datum: 05.06.2026. godine

Predsjedavajući Opštinskog vijeća

Božo Latinović

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko -sanskog kantona“, broj: 8/11,) i člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 - prečišćen tekst), a postupajući po zahtjevu Mreže organizacija osoba s invaliditetom USK (MOOSI USK) broj: 02/1-11-2928-1/24 od 27.11.2024. godine, Općinsko/Opštinsko vijeće na trećem nastavku 4. redovne sjednice, održane 05.06.2026. godine, donosi:

ZAKLJUČAK

Član 1.

Općinsko/Opštinsko vijeće prima k znanju Inicijativu Mreže organizacija osoba sa invaliditetom i u skladu s Budžetom Općine/Opštine Bosanski Petrovac za 2026. godinu, Općina/Opština Bosanski Petrovac je planirala sredstva za rješavanje problema pristupačnosti za osobe sa invaliditetom.

Član 2.

Zadužuje se nadležna služba da sredstva planirana budžetom relizuje u gore predmetnu namjeru.

Član 3.

Ovaj Zaključak stupa na snagu danom donošenja, a ima se objaviti u „Službenom glasniku Općine/Opštine Bosanski Petrovac“.

Broj:02/1-11-2928-2/24

Datum: 05.06.2026. godine

Predsjedavajući Opštinskog vijeća

Božo Latinović

Na osnovu člana 12. i 21. Zakona o lokalnoj samoupravi („Službeni glasnik USK“, broj 8/11), člana 29. stav 3. Zakona o koncesijama („Službeni glasnik USK-a broj: 10/03, 7/09 i 19/13“) i člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 07/08” - prečišćen tekst), Općinsko/Opštinsko vijeće na trećem nastavku 4. redovne sjednice, održane 05.06.2026. godine, donosi:

O D L U K U

o načinu utroška sredstava od koncesija za 2026. godinu

Član 1.

Ovom Odlukom reguliše se način utroška sredstava od koncesija za eksploataciju mineralnih sirovina na području Općine/Opštine Bosanski Petrovac planirana u iznosu od 10.000,00 KM.

Član 2.

Sredstva iz člana 1. ove Odluke utrošit će se u finansiranje Plana zajedničke komunalne potrošnje.

Član 3.

Za realizaciju i praćenje ove Odluke zadužena je Služba za finansije i računovodstvo Općine/Opštine Bosanski Petrovac.

Član 4.

Ovlašćuje se Općinski načelnik Općine/Opštine Bosanski Petrovac da može izvršiti preraspodjelu sredstava ukoliko se ne realizuju, uz predhodnu saglasnost Općinskog/Opštinskog vijeća, na druge projekte.

Član 5.

Ova Odluka stupa na snagu danom objavljivanja u „Službenom glasniku Općine/Opštine Bosanski Petrovac“ .

Broj: 02/1-11-2514-2/25

Datum: 05.06.2026.godine

Predsjedavajući Opštinskog vijeća

Božo Latinović

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko -sanskog kantona“, broj: 8/11.), člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 - prečišćen tekst) i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac“, broj: 6/23 - prečišćen tekst), a postupajući po dopisu Fashion & Style Faktory d.o.o. Sarajevo broj: 02/1-19-959-1/26 od 28.04.2026. godine, Općinsko/Opštinsko vijeće na trećem nastavku 4. redovne sjednice, održane 05.06.2026. godine, donosi:

ZAKLJUČAK

Član 1.

Prihvata se inicijalni kontakt Fashion & Style Faktory d.o.o. Sarajevo upućen Općini/Opštini Bosanski Petrovac i Općinskom/Opštinskom vijeću Bosanski Petrovac.

Član 2.

Obavezuje se predstavnik Fashion & Style Faktory d.o.o. Sarajevo, da dostavi detaljne zahtjeve u pogledu korištenja poslovnog prostora, u roku od 15 (petnaest) dana od donošenja ovog Zaključka.

Član 3.

Zadužuje se nadležna služba Općine/Opštine da se očituje o Zahtjevu investitora, te pripremi Prijedlog Odluke i dostavi Općinskom/Opštinskom vijeću na razmatranje i usvajanje.

Član 4.

Ovaj Zaključak stupa na snagu danom donošenja i ima se objaviti u „Službenom glasniku Općine/Opštine Bosanski Petrovac“.

Broj: 02/1-19-959-2/26

Datum: 05.06.2026. godine

Predsjedavajući Opštinskog vijeća

Božo Latinović

Na osnovu člana 14. Zakona o eksproprijaciji (“Službene novine Federacije BiH” broj: 70/07, 36/10, 27/12 i 34/16), te člana 25. Statuta Općine/Opštine Bosanski Petrovac (“Službeni glasnik Općine/Opštine Bosanski Petrovac”, broj: 07/08 - prečišćen tekst), Općinsko/Opštinsko vijeće na trećem nastavku 4. redovne sjednice, održane 05.06.2026. godine, donosi:

ODLUKU

o utvrđivanju javnog interesa za nepotpunu eksproprijaciju ustanovljenjem služnosti – izgradnja gradske kanalizacione mreže nove administrativne zgrade Ministarstva unutrašnjih poslova u Bosanskom Petrovcu

I Utvrđuje se da je od javnog interesa izgradnja gradske kanalizacione mreže nove administrativne zgrade Ministarstva unutrašnjih poslova u Bosanskom Petrovcu, te se u tu svrhu može pristupiti nepotpunoj eksproprijaciji ustanovljenjem služnosti na sljedećim nekretninama označenim kao:

-k.č. broj: 971 p.l. 331, K.O. Petrovac grad, nositelj prava DS putevi, uprava puteva, sa dijelom 1/1,

-k.č. broj 946/1, p.l. 318, K.O. Petrovac – grad, nositelj prava DS Općina/Opština Bosanski Petrovac, udio 1/1

II Utvrđuje se da je Ministarstvo unutrašnjih poslova Unsko-sanskog kantona korisnik nepotpune eksproprijacije, izgradnja gradske kanalizacione mreže nove administrativne zgrade Ministarstva unutrašnjih poslova u Bosanskom Petrovcu.

III Zaduguje se Služba za prostorno uređenje, katastar i imovinsko-pravne poslove da u skladu sa Zakonom provede postupak i donese odgovarajuća rješenja.

IV Ova Odluka stupa na snagu danom donošenja, a o izvršenju iste staraće se nadležna Služba iz prethodnog stava.

Obrazloženje

Ministarstvo unutrašnjih poslova Unsko-sanskog kantona, uputilo je prijedlog Odluke za utvrđivanje javnog interesa za nepotpunu eksproprijaciju ustanovljenjem prava služnosti, **izgradnja gradske kanalizacione mreže nove administrativne zgrade Ministarstva unutrašnjih poslova u Bosanskom Petrovcu** na nekretninama označenim u dispozitivu ove Odluke.

Cilj proglašenja javnog interesa i provođenja postupka nepotpune eksproprijacije na navedenim česticama u korist Ministarstva unutrašnjih poslova Unsko-sanskog kantona je izgrađen objekat od javnog interesa – zgrade za potrebe Policijske stanice Bosanski Petrovac i odsjeka za administraciju Bosanski Petrovac sa svim potrebnim instalacionim priključcima, koji su neophodni za funkcionisanje objekta (elektro priključak, vodovod i kanalizacija, internet priključak, priključak telefona i slično).

Priključak na kanalizacionu mrežu zgrade MUP-a utjecati će na efiksnost jednog sigurnosnog aparata, te ulaganje u infrastrukturne objekte neophodne za normalno funkcionisanje svakog poslovnog objekta, utječe i djeluje na faktor stimulacije na povratak raseljenih građana Općine/Opštine Bosanski Petrovac, na podizanje stepena sigurnosti navedenog teritorijalnog prostora, podizanje stepena efikasnosti i učinkovitosti administrativnog aparata Općinskog/Opštinskog organa uprave (razmjena podataka i usluga Matičnog ureda, referata kaznenih evidencija, referata izdavanja identifikacionih dokumenata, registriranja motornih vozila i slično).

Razmatrajući podneseni prijedlog, priloženu dokumentaciju uz prijedlog, te potrebe i opravdanost, Općinsko/Opštinsko vijeće je utvrdilo da je od javnog interesa, **izgradnja gradske kanalizacione mreže nove administrativne zgrade Ministarstva unutrašnjih poslova u Bosanskom Petrovcu**, na navedenim nekretninama, pa se shodno Zakonu o eksproprijaciji odlučilo kao u dispozitivu ove odluke.

Pravni osnov za donošenje Odluke sadržan je u članu 14. stav 4. Zakona o eksproprijaciji kojim

je određeno da Odluku o utvrđivanju javnog interesa za izgradnju ili izvođenje radova na području općine/opštine donosi Općinsko/Opštinsko vijeće na čijem se području namjerava graditi. **Prema tome, nadležna služba ispitala je postojanje formalnih uslova za utvrđivanje Javnog interesa i utvrdila da isti postoje, a Općinsko/Opštinsko vijeće raspravlja i donosi odluku da li je u konkretnom slučaju ispunjen materijalni uslov za donošenje odluke o Javnom interesu.**

Pravna pouka: Protiv ove Odluke, shodno članu 222. stav 5. Zakona o upravnom postupku FBiH (“Sl. novine FBiH” broj: 2/98 i 48/99”) ne može se izjaviti žalba, ali se možen pokrenuti upravni spor podnošenjem tužbe nadležnom Kantonalnom sudu u roku od 30 dana od dana dostavljanja Odluke.

Broj:02/1-21-1368-2/26

Datum: 05.06.2026.godine

Predsjedavajući Opštinskog vijeća

Božo Latinović

AKTA OPĆINSKOG NAČELNIKA

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko - sanskog kantona“ broj 8/11), člana 43. Statuta općine Bosanski Petrovac („Službeni glasnik općine Bosanski Petrovac“, broj: 7/08 prečišćen - tekst) i Budžeta općine Bosanski Petrovac za 2026. godinu, stavka – „Subvencija komunalnom preduzeću“ („Službeni glasnik općine Bosanski Petrovac“, broj: 2/26), a u vezi sa zahtjevom „Komunalno“ d.o.o. Bosanski Petrovac za uplatu novčanih sredstava broj: 114/26 od 11.06.2026. godine, Općinski načelnik donosi:

ODLUKU

o isplati novčanih sredstava za „Komunalno“ d.o.o. Bosanski Petrovac

I

Odobrava se isplata novčanih sredstava iz Budžeta općine Bosanski Petrovac za 2026. godinu u iznosu od od **10.000,00 KM** (slovima: deset hiljada konvertibilnih maraka) za „Komunalno“ d.o.o. Bosanski Petrovac.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Subvencija komunalnom preduzeću“, ekonomski kod 614411, uplatom na račun broj: 1990450002075170 otvoren kod *Sparkasse banke*.

III

Za provođenje ove Odluke nadležna je Služba za finansije, budžet i računovodstvo i Služba za civilnu zaštitu i vatrogastvo.

Korisnik će sredstva upotrijebiti na način definisan tačkom I ove Odluke i dostaviti izvještaj o utrošku sredstava ovom organu (do **31.03.2027. godine**).

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

Obrazloženje

Komunalno d.o.o. Bosanski Petrovac je podnijelo zahtjev za isplatu sredstava, u kojem je istaknuto da je navedeni iznos utvrđen usvajanjem amandmana od strane Općinskog vijeća, čime je prepoznata potreba očuvanja stabilnosti i kontinuiteta u radu Komunalnog preduzeća kao i izbjegavanje povećanja cijena komunalnih usluga za građane. Dalje se navodi da se zahtjev podnosi na osnovu realnog stanja u poslovanju preduzeća. Preduzeće je prema preliminarnim finansijskim pokazateljima prethodnu godinu završilo sa gubitkom u iznosu približno 80.000,00 KM. Neusvajanje Budžeta kao i Programa zajedničke komunalne potrošnje doveli su do izostanka planiranih sredstava. Cijene komunalnih usluga nisu mijenjane od 2017. godine dok su troškovi energije, goriva, rada i održavanja u međuvremenu značajno porasli. Dotrajalost mehanizacije uzrokuje česte kvarove, dodatne troškove. Opredjeljenje preduzeća je da uz podršku osnivača kroz planiranu subvenciju, očuva postojeći nivo cijena usluga i time dodatno ne optereti građane.

S tim u vezi a radi obezbjeđenja tekuće likvidnosti i nesmetanog obavljanja osnovne djelatnosti, podnesen je ovaj zahtjev za isplatu dijela planiranih sredstava u iznosu od 20.000,00 KM u toku mjeseca aprila 2026. godine.

Razmatrajući podneseni zahtjev Komunalnog d.o.o. Bosanski Petrovac, utvrđeno je da postoje opravdani razlozi za odobravanje traženih sredstava. Preduzeće se suočava sa poteškoćama u poslovanju usljed povećanja troškova energije, goriva, rada i održavanja, kao i zbog dotrajalosti mehanizacije, što značajno utiče na tekuću likvidnost i nesmetano obavljanje osnovne djelatnosti.

Dodatno, cijene komunalnih usluga nisu mijenjane od 2017. godine, iako su ulazni troškovi poslovanja značajno porasli. Odobranjem traženih sredstava omogućit će se održavanje kontinuiteta u pružanju komunalnih

usluga, očuvanje postojećeg nivoa cijena usluga za građane te stabilnost poslovanja preduzeća od posebnog značaja za lokalnu zajednicu.

Kako trenutno postoje finansijske mogućnosti za dodjelu dijela sredstava, odlučeno je kako je navedeno pod tačkom I ove Odluke.

Cijeneći navedeno, riješeno je kao u dispozitivu.

Broj: 01-11-1073-4/26

Datum: 11.06.2026. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko - sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac-Prečišćeni tekst („Službeni glasnik općine Bosanski Petrovac“, broj: 7/08) i Budžeta općine Bosanski Petrovac za 2026. godinu, stavka – Tekuća rezerva („Službeni glasnik općine Bosanski Petrovac“, broj: 2/26), a u vezi sa zahtjevom za dodjelu novčanih sredstava Gutlić Rifetu, Općinski načelnik donosi:

ODLUKU

o izdvajanju novčanih sredstava

I

Odobrava se isplata novčanih sredstava, iz Budžeta općine Bosanski Petrovac za 2026. godinu u iznosu od **1.516,85 KM**, Gutlić Rifetu.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Tekuća rezerva“, ekonomski kod 600000, uplatom na žiro račun broj: BA 39 338500250724524 otvoren kod Uni Credit Banke.

III

Za provođenje ove Odluke nadležna je Služba za finansije, računovodstvo i budžet i Kabinet Općinskog načelnika.

Korisnik će sredstva upotrijebiti na način definisan u obrazloženju ove Odluke.

IV

Odluka stupa na snagu danom donošenja i biti će objavljena u „Službenom glasniku općine Bosanski Petrovac“.

O b r a z l o ž e n j e

Ispred Službe za Opću upravu, društvene djelatnosti, stručne poslove Općinskog vijeća i zajedničke poslove Općine Bosanski Petrovac, podnesen je zahtjev Općinskom načelniku za isplatu nedostajućih sredstava za Gutlić Rifeta.

U zahtjevu je navedeno da je Općinsko vijeće svojim amandmanima prilikom usvajanja Budžeta Općine Bosanski Petrovac za 2026. godinu „skinulo“ sa pozicije 611225, pod nazivom „Otpremnina zbog odlaska u penziju“, iznos od 2.000,00 KM a Općinski načelnik je donio Rješenje o isplati otpremnine bivšem zaposleniku koji je otišao u penziju, broj 01-11-4739-UP-1/26 od 19.05.2026. godine. Radi postupanja po Rješenju traži se da se sa pozicije odnosno ekonomskog koda 600000 odobri nedostajući iznos za isplatu po Rješenju i to iznos od 1.516,85 KM, a sve u cilju izbjegavanja eventualnog sudskog postupka te dodatnih troškova po Općinu Bosanski Petrovac.

Cijeneći navedeno riješeno je kao u dispozitivu ove Odluke.

Broj: 01-11-1476-2/26

Datum: 09.06.2026. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac-Prečišćeni tekst („Službeni glasnik općine Bosanski Petrovac“, broj: 7/08.) i Budžeta općine Bosanski Petrovac za 2025. godinu, stavka – Tekući

transferi udruženjima – boračkim organizacijama („Službeni glasnik općine Bosanski Petrovac“, broj 3/25), a u vezi sa izvještajem predsjednika udruženja „UDBOOR 92-95“ Općine Bosanski Petrovac, Općinski načelnik donosi:

ODLUKU

o usvajanju izvještaja o utrošku sredstava dodijeljenih „UDBOOR 92 – 95“ Općine Bosanski Petrovac

I

Usvajaju se Izvještaji o utrošku sredstava „UDBOOR 92 -95“ Općine Bosanski Petrovac za 2025. godinu,

- Izvještaj o utrošenim sredstvima broj 65/25 po Odluci broj 01-11-482-2/25 od 18.03.2025. godine
- Izvještaj o utrošenim sredstvima broj 66/25 po Odluci broj broj 01-11-482-8/25 od 28.05.2025. godine
- Izvještaj o utrošenim sredstvima broj 64/25 po Odlukama broj 01-11-482-10/25 od 04.09.2025. godine i 01-11-482-13/25 od 29.10.2025. godine
- Dopuna Izvještaja o doznačenim sredstvima broj 83/25 od 25.12.2025. godine
- Izvještaj o utrošenim sredstvima broj 38/26 po Odlukama broj 01-11-482-18/25 od 04.12.2025. godine i 01-11-482-21/25 od 26.12.2025. godine

II

Sredstva iz tačke I ove Odluke odobrena su na osnovu Odluka broj:

- 01-11-482-2/25 od 18.03.2025.godine u iznosu od 1.250,00 KM
- 01-11-482-8/25 od 28.05.2025. godine u iznosu od 1.254,00 KM
- 01-11-482-10/25 od 04.09.2025.godine u iznosu od 3.000,00 KM
- 01-11-482-13/25 od 28.10.2025.godine u iznosu od 4.000,00 KM
- 01-11-482-18/25 od 04.12.2025.godine u iznosu od 1.000,00 KM
- 01-11-482-21/25 od 26.12.2025.godine u iznosu od 1.000,00 KM

III

Odluka stupa na snagu danom donošenja.

O b r a z l o ž e n j e

Predsjednik Udruženja demobilisanih boraca odbrambeno oslobodilačkog rata 92-95 Općine Bosanski Petrovac se dana 18.03.2025. godine obratio za doznaku novčanih sredstava. Općinski načelnik Općine Bosanski Petrovac je dana 18.03.2025. godine donio Odluku kojom se odobrava isplata novčanih sredstava u ukupnom iznosu od 1.250,00 KM. Nakon toga Općinski načelnik je donio sljedeće Odluke:

- 01-11-482-8/25 od 28.05.2025. godine u iznosu od 1.254,00 KM
- 01-11-482-10/25 od 04.09.2025.godine u iznosu od 3.000,00 KM
- 01-11-482-13/25 od 28.10.2025.godine u iznosu od 4.000,00 KM
- 01-11-482-18/25 od 04.12.2025. godine u iznosu od 1.000,00 KM
- 01-11-482-21/25 od 26.12.2025. godine u iznosu od 1.000,00 KM

Dana 11.11.2025. godine zaprimljen je:

- Izvještaj o utrošenim sredstvima broj 65/25 po Odluci broj 01-11-482-2/25 od 18.03.2025. godine.
- Izvještaj o utrošenim sredstvima broj 66/25 po Odluci broj broj 01-11-482-8/25 od 28.05.2025. godine
- Izvještaj o utrošenim sredstvima broj 64/25 po Odlukama broj 01-11-482-10/25 od 04.09.2025. godine i 01-11-482-13/25 od 29.10.2025. godine

Dana 25.03.2026. godine zaprimljeni je

- Izvještaj o utrošenim sredstvima broj 38/26 po Odlukama broj 01-11-482-18/25 od 04.12.2025. godine i 01-11-482-21/25 od 26.12.2025. godine

U prilogu dostavljeni dokazi priznanice i računi.

Odlukama općinskog načelnika a na osnovu pristiglih zahtjeva, dodjeljena su sredstva Udruženju u ukupnom iznosu od 11.504,00 KM.

Uvidom u dostavljene Izvještaje sa priložima utvrđeno je da je Udruženje urošilo ukupno 11.541,58 KM. Pored dodjeljenih sredstava Udruženje je utrošilo i dodatnih 38,57 KM.

Na osnovu svega navedenog, odlučeno je kao u dispozitivu Odluke.

Broj: 01-11-482-26/25

Datum: 15.06.2026. godine

Na osnovu člana 27. Zakona o lokalnoj samoupravi Unsko - sanskog kantona „(Službeni glasnik Unsko - sanskog kantona“ broj: 8/11), člana 43. Statuta općine Bosanski Petrovac („Službeni glasnik općine Bosanski Petrovac“, broj: 7/08 prečišćen - tekst) i Budžeta Općine Bosanski Petrovac za 2026. godinu („Službeni glasnik općine Bosanski Petrovac“, broj: 2/26), a u vezi sa zahtjevom za dodijelu novčanih sredstava „Udruženju demobilisanih boraca odbrambeno – oslobodilačkog rata 92-95 Općine Bosanski Petrovac“ broj: 64/25 od 08.05.2026. godine, Općinski načelnik donosi:

ODLUKU

o isplati novčanih sredstava „Udruženju demobilisanih boraca odbrambeno – oslobodilačkog rata 92-95 Općine Bosanski Petrovac“

I

Odobrava se isplata novčanih sredstava iz Budžeta Općine Bosanski Petrovac za 2026. godinu od **1.500,00 KM** „Udruženju demobilisanih boraca odbrambeno – oslobodilačkog rata 92-95 Općine Bosanski Petrovac.

II

Odobrena novčana sredstva iz tačke I ove Odluke isplatit će se iz Budžeta Općine Bosanski Petrovac, stavka „tekući transferi udruženjima – boračkim organizacijama, ekonomski kod 614324, uplatom na račun broj: 1994530054498616 otvoren kod *Sparkasse banke*.

III

Za provođenje ove Odluke nadležna je Služba za finansije, računovodstvo i budžet.

Korisnik će sredstva upotrijebiti na način definisan tačkom I ove Odluke i dostaviti izvještaj o utrošku sredstava ovom organu **(do 31.03.2027. godine)**.

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o ž e n j e

„Udruženje demobilisanih boraca odbrambeno – oslobodilačkog rata 92-95 Općine Bosanski

Petrovac“. se obratilo ovom organu sa zahtjevom broj: 64/25 od 08.05.2026. godine za doznaku novčanih sredstava za plaćanje tekućih obaveza i provođenja aktivnosti po planu i programu Udruženja. Navedena sredstva su potrebna radi prilagođavanja prostorija za rad na način da je potrebno krećenje, smještanje namještaja koje je Udruženje dobilo od Centra za socijalni rad.

Na osnovu svega navedenog, a cijeneći potrebu da se navedene aktivnosti provedu, odlučeno je kao u dispozitivu Odluke.

Broj: 01-11-691-5/26

Datum: 19.06.2026. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko - sanskog kantona („Službeni glasnik Unsko -sanskog kantona“ broj: 8/11), člana 43. Statuta općine Bosanski Petrovac („Službeni glasnik općine Bosanski Petrovac“, broj: 7/08 prečišćen - tekst), Budžeta općine Bosanski Petrovac za 2026. godinu („Službeni glasnik općine Bosanski Petrovac“, broj: 2/26), a u vezi sa zahtjevom za isplatu sredstava broj 01-06-1-90-2/26 od 19.16.2026. godine, Općinski načelnik Općine Bosanski Petrovac **d o n o s i**:

ODLUKU

o isplati novčanih sredstava Medžlisu Islamske zajednice Bosanski Petrovac

I

Odobrava se isplata novčanih sredstava iz Budžeta općine Bosanski Petrovac za 2026. godinu u iznosu od 8.000,00 KM Medžlisu Islamske zajednice Bosanski Petrovac.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Tekući transfer vjerskim zajednicama, za rad i sufinansiranje realizacije projekata MIZ“, ekonomski kod 614319, uplatom na transakcijski račun broj: 1414775320003436

otvoren kod *BBI banka d.d. Sarajevo, Filijala Bosanski Petrovac.*

III

Za provođenje ove Odluke nadležna je Služba za finansije, računovodstvo i budžet.

Korisnik će sredstva upotrijebiti na način definisan tačkom I ove Odluke i dostaviti izvještaj o utrošku sredstava ovom organu (*do 31.03.2027. godine*).

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o ž e n j e

Medžlis Islamske zajednice Bosanski Petrovac se obratio sa zahtjevom broj: 01-11-11-614-3/26 za isplatu noćanih sredstava a koji je dopunio dana 19.06.2026. godine. U zahtjevu MIZ navedeno je da su sredstava potrebna za finansiranje projekata koje planiraju završiti u narednom periodu i to:

- Postavljanje grijanja u zgradi Medžlisa (drugi sprat)
- Radovi u Mezarju Didovići (rješavanje problema plavljenja mezarluka)

Na osnovu svega navedenog, odlučeno je kao u dispozitivu Odluke.

Broj: 01-11-614-5/26

Datum: 19.06.2026. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac prečišćeni tekst („Službeni glasnik općine Bosanski Petrovac“, broj: 7/08.) i na osnovu članova 24. i 27. Odluke o izvršavanju budžeta za 2026. godinu („Službeni glasnik Općine Bosanski Petrovac“ broj: 2/26), Općinski načelnik donosi:

**PROGRAM DODJELE SREDSTAVA
ZA NEPROFITNA UDRUŽENJA I
ORGANIZACIJE
PREDVIĐENIH BUDŽETOM OPĆINE ZA
2026. GODINU**

Ovim Programom utvrđuju se kriteriji, način i procedura za dodjelu sredstva utvrđenih u Budžetu Općine Bosanski Petrovac za 2026. godinu (“ Službeni glasnik Općine Bosanski Petrovac” broj 2/26) na ekonomskom kodu 614324, pod nazivom “tekući transferi neprofitnim organizacijama”, u ukupnom iznosu od 13.000,00 KM.

II

Pravo učešća imaju neprofitna udruženja i organizacije registrovane na području Federacije Bosne i Hercegovine i Unsko sanskog kantona, a koje će svoje projektne aktivnosti u potpunosti realizirati na području općine Bosanski Petrovac.

III

Sredstvima iz člana 1. ovog Programa namijenjena su za projekte neprofitnih organizacija koji doprinose razvoju lokalne zajednice, promociji Općine Bosanski Petrovac, unapređenju kvaliteta života građana, razvoju kulture, rekreativnog sporta, zaštite okoliša, turizma i drugih aktivnosti od javnog interesa za Općinu Bosanski Petrovac.

IV

Općina Bosanski Petrovac objavit će Javni poziv za finansiranje projekata neprofitnih organizacija. Osnovni uslovi koje podnosioci prijave moraju ispunjavati su:

- Da su registrirani prema jednom od važećih pravnih propisa u Federaciji Bosne i Hercegovini i Unsko sanskom kantonu,
- Da imaju otvoren transakcijski račun,
- Da su opravdali sredstva općini Bosanski Petrovac, ukoliko su bili ranije financirani iz sredstava budžeta,
- Da nisu korisnici sredstava iz Budžeta Općine Bosanski Petrovac pod drugom osnovu,
- Da je projekat od značaja za građane i lokalnu zajednicu Općine Bosanski Petrovac,
- Da će se projektne aktivnosti u cijelosti realizirati na području Općine Bosanski Petrovac,
- Da projekat doprinosi ostvarivanju jednog ili više ciljeva od javnog interesa, kao što su razvoj kulture, rekreativnog sporta,

zaštite okoliša, turizma a u svrhu promocije općine.

V

Dodatni kriteriji za odabir korisnika su:

- Kvalitet projektne ideje
 - od 1 do 3 boda (promocija općine Bosanski Petrovac, doprinos projekta razvoju lokalne zajednice i, projekti koji budu doprinosili većoj promociji općine Bosanski Petrovac, regionalnoj ili međunarodnoj dobiti će 3 boda, projekti koji budu doprinosili promociji općine Bosanski Petrovac unutar države Bosne i Hercegovine dobiti će 2 boda i projekti koji budu imali lokalnu promociju dobiti će 1 bod.
- Iznos sredstava za ljudske resurse – od 1 do 3 boda (projektni koji budu imali manje od 5% sredstava za ljudske resurse dobiti će 3 boda, koji budu imali od 5% do 15% dobiti će 2 boda i koji budu imali maksimalno 15% dobiti će 1 bod),
- Sufinanciranje projekta – od 1 do 3 boda (projekti koji budu imali sufinanciranje projekta od 20% dobiti će 1 bod, od 20% do 60% dobiti će 2 boda i preko 60% od sredstava iz ovog Programa dobiti će 3 boda),
- Broj direktnih/indirektnih korisnika projekta – od 1 do 3 boda (ukoliko projekat bude imao broj korisnika do 100 dobiti će 1 bod, od 100 do 200 korisnika dobiti će 2 boda i preko 200 korisnika dobiti će 3 boda),
- Ciljna grupa – od 1 do 3 boda (žene i mladi, tradicionalno isključene grupe i ostali korisnici; ukoliko projektom bude uključena jedna ciljna grupa projekat će dobiti 1 bod, ukoliko budu dvije ciljne grupe projekat će dobiti 2 boda i ukoliko budu 3 ili više ciljnih grupa, projekat će dobiti 3 boda.

VI

NEPRIHVATLJIVI TROŠKOVI

Sljedeće aktivnosti nisu preporučljive za dodjelu sredstava:

- Individualna sponzorstva za učestvovanje u radionicama, seminarima, konferencijama, kongresima;
- Individualne stipendije za studije ili trening kurseve;
- Povremene konferencije (osim ako su neophodne za uspješnu implementaciju projekta);
- Projekti za ekskluzivnu dobit pojedina;

- Projekti koji podržavaju političke partije;
- Primarno finansiranje podnositelja prijedloga ili njihovih partnera;
- Dodjeljivanje grantova trećoj strani.

VII

(1) Prijava za dodjelu sredstava neprofitnim organizacijama se vrši putem Javnog poziva za financiranje projekata neprofitnim organizacijama, kojeg će objaviti općina Bosanski Petrovac.

(2) Projektni prijedlog dostavlja se na prijavnim obrascu (Prilog 1.) uz sljedeću dokumentaciju:

- Budžet projekta (Prilog 1.)
- Rješenje o registraciji neprofitne organizacije ili aktuelni izvod iz registra (ovjerena kopija)
- Bankovni račun podnositelja (Ugovor sa bankom ili potvrda banke o otvorenom računu).
- Ovjerena izjava potpisana od ovlaštenog lica da neprofitna organizacija nije korisnik sredstava iz budžeta općine Bosanski Petrovac po drugom osnovu (original) Prilog 3.
- Ovjerena izjava potpisana od ovlaštenog lica da je neprofitna organizacija opravdala dosadašnja sredstva općini Bosanski Petrovac ukoliko je bila korisnik sredstava (original) Prilog 4.
- Ovjerena izjava o učešću iz vlastitih sredstava u realizaciji projekta Prilog 5.

VIII

NAČIN PODNOŠENJA PRIJAVE

- Prijave sa potrebnom dokumentacijom dostavljaju se na protokol općine Bosanski Petrovac ili preporučeno putem pošte, na adresu: Općina Bosanski Petrovac, Bosanska 110,77250 Bosanski Petrovac s naznakom Prijava po Javnom pozivu „NE OTVARAJ“
- Rok za podnošenje prijava je 10 (deset) dana od dana objave Javnog poziva.
- Neblagovremene prijave, koje su dostavljene nakon isteka roka određenog Javnim pozivom, neće se uzeti u

razmatranje i iste se ne vraćaju podnosiocima prijava.

IX

OBRADA PRIJAVA I IZBOR KORISNIKA

Za razmatranje prijava po Javnom pozivu za odabir korisnika sredstava po Program, načelnik općine Bosanski Petrovac (u daljnjem tekstu: Načelnik) Rješenjem imenuje Komisiju, koju čine tri člana.

Komisija je dužna da, u skladu sa kriterijima i procedurama utvrđenim ovim Programom i Javnim pozivom da:

- izvrši evaluaciju i utvrdi ispunjavanje kriterija navedenih u Javnom pozivu;
- sačini Preliminarnu rang listu korisnika sredstava;
- sačini listu subjekata čije su prijave neblagovremene, nepotpune ili neosnovane,

i iste dostavi načelniku na odobrenje. Nakon odobrenja, lista se objavljuje na web stranici općine Bosanski Petrovac.

Podnosioci zahtjeva imaju pravo prigovora na objavljene liste. Prigovor se podnosi u pisanoj formi, Općini Bosanski Petrovac u roku od tri (3) dana od dana objave liste na web stranici Općine.

Po isteku roka za prigovore i nakon rješavanja po uložnim prigovorima, a najkasnije u roku od tri (3) dana, načelnik donosi Konačnu rang listu korisnika sredstava i iznosom odobrenih novčanih sredstava. U slučaju da iznos traženih sredstava bude veći od iznosa predviđenih budžetom Općine Bosanski Petrovac, izvršiti će se proporcionalno umanjenje traženih sredstava. Na osnovu ove Odluke donose se pojedinačne Odluke u kojima se utvrđuju način uplate sredstava i način pravdanja istih.

Konačna rang lista se objavljuje na web stranici općine.

X

Ovaj Program stupa na snagu danom donošenja i ima se objaviti u „Službenom glasniku“ Općine Bosanski Petrovac

Broj:01-11-1532-1/26

Datum:18.06.2026. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac („Službeni glasnik općine Bosanski Petrovac“, broj: 7/08 prečišćen - tekst) i Budžeta općine Bosanski Petrovac za 2026. godinu, stavka „Tekuća rezerva“, ekonomski kod 600000, te na osnovu Molbe za finansijsku pomoć Konjičkom klubu „Jedinstvo“ Bihać. Općinski načelnik općine Bosanski Petrovac donosi:

O D L U K U

o isplati novčanih sredstava Konjičkom klubu „Jedinstvo“

I

Odobrava se isplata novčanih sredstava iz Budžeta općine Bosanski Petrovac za 2026. godinu u iznosu od od **1.000,00 KM** Konjičkom klubu „Jedinstvo“ Bihać.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Tekuća rezerva“, ekonomski kod 600000, uplatom na račun broj: 3385002200902856 otvoren kod Uni Credit Banke.

III

Za provođenje ove Odluke nadležna je Služba za finansije, računovodstvo i budžet.

Korisnik će sredstva upotrijebiti na način definisan tačkom I ove Odluke i dostaviti izvještaj o utrošku sredstava ovom organu (**do 31.03.2027. godine**).

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o Ź e n j e

Predsjednik Konjičkog kluba „Jedinstvo“ iz Bihaća se obratio sa zahtjevom za pomoć u organizaciji i realizaciji memorijala. Naime 15.08.2026. godine u Bihaću, na hipodromu Bakšaiške bare će se održati konjičke trke pod nazivom „Memorijal Alija Izetbegović“ u znak sjećanja na prvog predsjednika Bosne i Hercegovine rahmetli Alije Izetbegovića. Činjenica da će se memorijal održati dvadeset treći put uzastopno je nešto na što su posebno ponosni.

Na osnovu svega navedenog, a s obzirom da je ova manifestacija od velike važnosti za njegovanje i očuvanje konjičkog sporta ne samo u gradu Bihaću

nego na prostorima cijele BiH, odlučeno je kao u dispozitivu Odluke.

Broj: 01-11-1541-2/26

Datum: 22.06.2026. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko - sanskog kantona („Službeni glasnik Unsko -sanskog kantona“ broj: 8/11), člana 43. Statuta općine Bosanski Petrovac („Službeni glasnik općine Bosanski Petrovac“, broj: 7/08 prečišćen - tekst), Budžeta općine Bosanski Petrovac za 2026. Godinu, stavka – Tekući transfer udruženju Grmeč – ekonomski kod 614324 („Službeni glasnik općine Bosanski Petrovac“, broj: 2/26), te na osnovu molbe za isplatu sredstava predviđenih budžetom Udruženja „Grmeč“, broj:01-10/26 od 23.06.2026. godine, Općinski načelnik Općine Bosanski Petrovac **donosi:**

ODLUKU

o isplati novčanih sredstava Udruženju „Grmeč”

I

Odobrava se isplata novčanih sredstava iz Budžeta općine Bosanski Petrovac za 2026. godinu u iznosu od 7.000,00 KM (slovima:sedamhiljada)KM Udruženju „Grmeč“.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Tekući transfer udruženju Grmeč“, ekonomski kod 614324, uplatom na transakcijski račun broj: 1610000309870003 otvoren kod Raiffeisen banke.

III

Za provođenje ove Odluke nadležna je Služba za finansije, računovodstvo i budžet.

Korisnik će sredstva upotrijebiti na način definisan tačkom I ove Odluke i dostaviti

izvještaj o utrošku sredstava ovom organu (**do 31.03.2027. godine**).

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o ž e n j e

Udruženje Grmeč se obratilo ovom organu sa molbom za isplatu sredstava predviđenih Budžetom broj: 01-01/26 od 23.06.2026. godine, a u svrhu organizacije manifestacije „Prva kosa Grmeča“, koja se po 18-ti put ove godine održava u selu Smoljana kod Bosanskog Petrovca. Obzirom da Općina Bosanski Petrovac od samog osnivanja manifestacije učestvuje u podršci i pomoći iste kao pokrovitelj manifestacije, te s obzirom da su sredstva planirana Budžetom Općine Bosanski Petrovac za 2026 godinu na ekonomskom kodu 614324 u iznosu od 7.000,00 KM, odlučeno je kao u dispozitivu Odluke.

Broj: 01-11-1554-2/26

Datum: 24.06.2026. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac-prečišćeni tekst („Službeni glasnik općine Bosanski Petrovac“, broj: 7/08) i Budžeta općine Bosanski Petrovac za 2026. godinu, stavka – Tekući transfer za mlade – Omladinska banka („Službeni glasnik općine Bosanski Petrovac“, broj: 2/26), a u vezi sa Memorandumom o saradnji broj: 02-45-1464-3/26 od 03.06.2026. godine, Općinski načelnik donosi:

ODLUKU

o izdvajanju novčanih sredstava

I

Odobrava se isplata novčanih sredstava iz Budžeta općine Bosanski Petrovac za 2026.

godinu u iznosu od 7.631,70 KM fondaciji Mozaik.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Tekući transfer za mlade – Omladinska banka“, ekonomski kod 614324, uplatom na račun broj: 161-0000036320-303 otvoren kod Raiffeisen bank dd Sarajevo.

III

Za provođenje ove Odluke nadležna je Služba za finansije, računovodstvo i budžet. Korisnik će sredstva upotrijebiti na način definisan u obrazloženju ove Odluke i dostaviti izvještaj o utrošku sredstava ovom organu.

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o ž e n j e

Fondacija Mozaik se obratila ovom organu za uplatu sredstava u skladu sa Memorandumom o saradnji broj: 02-45-1464-3/26 od 03.06.2026. godine, za realizaciju programa Omladinska banka Bosanski Petrovac. Na osnovu svega navedenog, odlučeno je kao u dispozitivu Odluke.

Broj: 02-45-1464-4/26

Datum: 23.06.2026. godine

Općinski načelnik

Dr.sc. Mahmut Jukić

Na osnovu člana 6 stav 2. tačka e. Zakona o prevenciji korupcije Unsko-sanskog kantona („Službeni glasnik USK“, broj: 24/25) i člana 43. Statuta Općine Bosanski Petrovac, općinski načelnik Općine Bosanski Petrovac donosi:

R J E Š E N J E

o imenovanju lica ovlaštenog za dostavu i ažuriranje podataka u e-Registar korisnika poticaja u poljoprivredi za Općinu Bosanski Petrovac

Član 1.

Imenuje se **Zdravko Radošević**, Šef službe za obrt, razvoj, poduzetništvo i poljoprivredu u Općini Bosanski Petrovac kao ovlašteno lice za dostavu i ažuriranje podataka u e-Registar korisnika poticaja u poljoprivredi

Obrazloženje

Ured za borbu protiv korupcije Unsko-sanskog kantona inicira, uspostavlja i vodi jedinstvene Informacione antikoruptivni sistem kroz e-Registre.

Članom 6. stav 2 tačka e. Zakona o prevenciji korupcije Unsko-sanskog kantona („Službeni glasnik USK“, broj: 24/25) propisano je da javni e-Registar uključuju i e-Registre korisnika poticaja u poljoprivredi.

Zdravko Radošević zadužuje se za dostavu i ažuriranje podataka u e-Registar korisnika poticaja u poljoprivredi za općinu Bosanski Petrovac.

Kako imenovano lice ispunjavaju sve uvjete kako bi na pravilan način obavljao zadane poslove, odlučeno je kao u dispozitivu ovog rješenja.

Protiv ovog rješenja može se podnijeti prigovor Općinskom načelniku u roku od 8 dana od dana

Broj: 01-04-531-5/26

Bihac, 12.06.2026 godine

Općinski načelnik

Dr.sc. Mahmut Jukić

Na osnovu člana 62. Zakona o organizaciji organa uprave u Federaciji Bosne i Hercegovine („Službeni glasnik FBiH“, broj: 35/05), člana 27. Zakona o lokalnoj samoupravi Unsko - sanskog kantona („Službeni glasnik Unsko-sanskog kantona“, broj: 8/11), Odluke o izvršenju Budžeta Općine Bosanski Petrovac za 2026. Godinu („Službeni glasnik Općine Bosanski Petrovac“ broj: 2/26), Programa pomoći osobama u stanju socijalne potrebe („Službeni glasnik Općine Bosanski Petrovac“, broj: 3/26) i člana 43. Statuta općine Bosanski Petrovac („Službeni glasnik općine Bosanski Petrovac“, broj: 7/08 prečišćen - tekst), Općinski načelnik donosi:

ODLUKU

I

Iz sredstava Budžeta Općine Bosanski Petrovac za 2026. Godinu-Transferi neprofitnim organizacijama-Crveni križ Bosanski Petrovac- Program pomoći osobama u stanju socijalne potrebe („Službeni glasnik Općine Bosanski Petrovac“, broj: 3/26), ekonomski kod 614311, odobrava se isplata transfera neprofitnim organizacijama u visini od 6.100,00 KM (slovima:šesthiljadajednastotinakonvertibilnihmaraka), Crvenom križu Općine Bosanski Petrovac u svrhu realizacije Programa pomoći osobama u stanju socijalne potrebe, a na osnovu Zahtjeva za transfer sredstava sa budžeta općine broj:01-128-2/26 od 18.05.2026. godine.

II

Sredstva iz tačke I ove Odluke uplatiti na žiroračun korisnika broj 1994400020573406, otvoren kod Sparkasse banke d.d., a korisnik će sredstva iz tačke I ove Odluke upotrijebiti na način definisan tačkom I ove Odluke..

III

Ova Odluka stupa na snagu danom donošenja, a o njenom izvršenju starat će se Služba za opću upravu, društvene djelatnosti, stručne poslove OV i zajedničke poslove i Služba za finansije, računovodstvo, budžet i računovodstvo. Korisnik će dostaviti izvještaj o utrošku sredstava nakon isteka fiskalne godine.

IV

Ovu Odluku objaviti u „Službenom glasniku Općine Bosanski Petrovac“.

Broj: 01-31-1382-3/26

Datum: 05.06.2026. godine

Općinski načelnik

Dr.sc. Mahmut Jukić

SADRŽAJ:

I

AKTA OPĆINSKOG/OPŠTINSKOG VIJEĆA

1. Zaključak Daje se saglasnost na Pravilnik o drugoj izmjeni i dopuni Pravilnika o unutrašnjoj organizaciji.....	1
2. ODLUKA o Izmjeni Odluke o imenovanju povjerenika za Mjesne zajednice na području Općine/Opštine Bosanski Petrovac	1
3. ODLUKU o izmjeni i dopuni Odluke o naknadama vijećnicima u Općinskom/Opštinskom vijeću Bosanski Petrovac.....	2
4. ZAKLJUČAK o usvajanju Nacrta Izmjena i dopuna Budžeta Općine/Opštine Bosanski Petrovac za 2026. godinu i upućivanju na javnu raspravu.....	3
5. ZAKLJUČAK Prijedlog Odluke o prihvatanju Zahtjeva Općinskog/Opštinskog načelnika broj: 02/1-04-966-27/26 nije dobio potrebnu većinu glasova.....	3-4
6. ZAKLJUČAK Zadužuje se nadležna Služba da pokrene proceduru izrade projektne dokumentacije za projekat „Asfaltiranje puta do groblja u Rašinovcu“, u skladu sa važećim propisima i planskom dokumentacijom.....	4
7. ZAKLJUČAK Općinsko/Opštinsko vijeće prima k znanju Inicijativu Mreže organizacija osoba sa invaliditetom i u skladu s Budžetom Općine/Opštine Bosanski Petrovac za 2026. godinu, Općina/Opština Bosanski Petrovac je planirala sredstva za rješavanje problema pristupačnosti za osobe sa invaliditetom.....	5
8. ODLUKU o načinu utroška sredstava od koncesija za 2026. godinu	5
9. ZAKLJUČAK Prihvata se inicijalni kontakt Fashion & Style Faktory d.o.o. Sarajevo upućen Općini/Opštini Bosanski Petrovac i Općinskom/Opštinskom vijeću Bosanski Petrovac.....	6
10. ODLUKU o utvrđivanju javnog interesa za nepotpunu eksproprijaciju ustanovljenjem služnosti – izgradnja gradske kanalizacione mreže nove administrativne zgrade Ministarstva unutrašnjih poslova u Bosanskom Petrovcu	6-7

II

AKTA OPĆINSKOG NAČELNIKA

1. ODLUKU o isplati novčanih sredstava za „Komunalno“ d.o.o. Bosanski Petrovac.....	8
2. ODLUKU o izdvajanju novčanih sredstava u iznosu od 1.516,85 KM, Gutlić Rifetu.....	9
3. ODLUKU o usvajanju izvještaja o utrošku sredstava dodijeljenih „UDBOOR 92 – 95“ Općine Bosanski Petrovac.....	10
4. ODLUKU o isplati novčanih sredstava „Udruženju demobilisanih boraca odbrambeno – oslobodilačkog rata 92-95 Općine Bosanski Petrovac“.....	11
5. ODLUKU o isplati novčanih sredstava Medžlisu Islamske zajednice Bosanski Petrovac.....	12
6. PROGRAM DODJELE SREDSTAVA ZA NEPROFITNA UDRUŽENJA I ORGANIZACIJE PREDVIĐENIH BUDŽETOM OPĆINE ZA 2026.....	12-14
7. ODLUKU o isplati novčanih sredstava Konjičkom klubu „Jedinstvo“	14
8. ODLUKU o isplati novčanih sredstava Udruženju „Grmeč“.....	15
9. ODLUKU o izdvajanju novčanih sredstava fondaciji Mozaik.....	15-16
10. RJEŠENJE o imenovanju lica ovlaštenog za dostavu i ažuriranje podataka u e-Registar korisnika poticaja u poljoprivredi za Općinu Bosanski Petrovac..	16
11. ODLUKA o isplati Crvenom križu Općine Bosanski Petrovac u svrhu realizacije Programa pomoći osobama u stanju socijalne potrebe.....	17

Obrađa: Stručni savjetnik za poslove OV

Adnan Družić, BA prava

Viši referent za administrativno tehničke poslove OV-a
Munira Mešić

